

# INUIT ATAQATIGIIT INATSISARTUNI



UKA2024/43

15. Oktober 2024

Kristian Jeremiassen

**Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allangortinneqarnera pillugu Inatsisartut inatsisaat (Inissianik attartortittakkanik pigisatut inissiannngortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il. il.)**

**(Ineqarnermut Attaveqaasersuutinullu Naalakkersuisoq)**

Siullermeerneqarnera

Pingaaruteqarpoq ineqarnikkut aqqissuusseqqinnerit naammassineqarnissaat iliuuseqanngikkutta ajornartorsiut allingaluttuinnassasoq Inuit Ataqatigiit takusinnaavarput iliuuseqarnaveersaaruttalu inuiaqatigiinnut tamanut akisuninngussaaq kinguaattalu tamanna nammattariaqassavaat inuiaqatigiinnut ilungersunarluinnartumik tamannalu pinngittoortikkumavarput.

Ukiorpasuit ingerlanerini politik-kkut aaliangiinerit kingorna inissianut iluarsartuussinissamut 2,5 milliard-it missaanik kinguaattooruteqarnermik pilerput tamannalu iliuuseqarfingineqartariaqarmat Inuit Ataqatigiit partiit akornanni isumaqatingiinniarnert akisussaaqataaffingalungit Siumut peqatigalugu ineqarneq pillugu isumaqatingiissusiorpugut kinguaattoorutit iluarsatuussinissamut aqqikkumallugit taamatullu siunissami akiligassaq annertusiartuinnartusaaq iliuuseqarfingiumallugu.

# INUIT ATAQATIGIIT INATSIARTUNI



Inatsisissami matumani attartortuunermiit pinginnittuunermut suliaq pisariillisaaffingineqarpoq taamatuttaarlu inuusuttut 30-liineqanngittut nammineq ineqalersinnaanerat aqutissiuunneqarluni Inuit Ataqatigiit isumaqarpugut nammineq illoqarneq toqqissisimanarnerpaajuvoq aamma akisussaaffimmik annertuumik tingusinermik kinguneqartartoq tamannalu siunissami annertusartuarneqarnissaa kissaatinginartikkatsigu oqaatingissavarput.

Allaffissorneq pisariillisarneqarnissaa siunertaasoq ilalerparput isumaqarpungullu siunissami allaffissornikillisaanissamut pisariillisaanissamut suliaq manna aqutissat ilagigaat tassungalu killiinnarnarta ingerlaqqittariaqarpugut nunami innuttaasunut sullissineq eqaanneroqqullungu. Pingaartumillu siunissamut attanneqarsinnaasumik ineqarnikkut aaqqissuusseqqinnermi attassinissaq pingaaruteqarpoq oqareernitsituummi nammineq innuttaasut ineqalernissaat pingaaruteqarpoq.

Kvadrat meterimut minnerpaaffiliineq malunginiarparput 7000,-Kr-mut inatsisissakkut tagginneqartoq tamanna illoqarfinni angisuuni nammaneqarsinnaassasoq isumaqarpugut taamaattorli inoqarfinni periarfissakinnerusuni aki qaffassissoq Inuit Ataqatigiit takusinnaavarput inatsisissakkullu periarfissaq tassa kvadrat meterimut annikinnermik akiliisoqartassasoq Inuit Ataqatigiit uuttuutit suut atorlugit kvadrat meterimut akiliisoqartarnissaa ersarissumik pisariaqartipparput ukiunimi kingullerni ineriartornermi isorliunerusut illoqarfinnut anginerusunut nuuttarput tamannalu aamma naatsorsuutigneqartoq ilisimavarput tassami ilinniangaq malillugu illoqarfinni angisuunut nutsernerit ingerlammata taamaammat 7000,-kr.-mik akikinnermik kvadrat meterimut uuttuuteqartariaqartoq Inuit Ataqatigiit isumaqarpugut.

# INUIT ATAQATIGIIT INATSISSARTUNI



Inatsisissami siunnersuummi iluarisimaakkatsinnik oqaatingisinnaavarput najugaqarfinni illuummik qularnaveeqqusiilluni taarsigassarsisoqarsinnaanngikkaangat pisinerup akianut appaassutissatut tamarmiusup tamanut atuuttup 20%-iusup maanna 30 %-imut qaffanneqartoq tamannalu innuttaasunut iluaqutaassaaq sinerissami najungartaartussanut tamannalu Inuit Ataqatigiit iluarisimaarparput.

Sanaartornerup siammarnissaa 2021-imi qiningaaffiup aallartinerani politik-kkut isumaqatingiissutingineqartoq sinerissami sanaartorneq ukiuni makkunani malunnarpoq tamannalu aamma aningaasanut inatsisissap 2025-mut Naalakkersuisut siunnersuutaanni aningaasanut inatsit partiit akornanni isumaqatingiissutaasimasumik tunuliaqutaqarpoq tamannalu isumaqarpoq sinerissami sanaartorneq aamma suli ukiuni tulliuuttuni ingerlaqqissasoq. Taamatuttaaq sanaqateqarluni illuliorsinnaaneq inatsit atuutilerpoq sinerissami nunaqarfimiorpassuarnut isorliunerusunullu iluaqutaasussaq tamanna atorluarneqarnissaa Inuit Ataqatigiit neriuutingivarput ineqarnikkummi pittaangittumik inissisimasut nalunngilangut iliuuseqarfingineqartariaqartullu taamaammatt sanaqateqarluni illuliorsinnaanerup periarfissap atuutilernerani sinerissami innuttaasunut iluaqutaassaaq ineqarnikkullu ajornartorsiutit qaanger-nissaannut tamanna inatsisitigut pitsaasumik sinaakkutaqalernera pissusisamisoorutut isigivarput nuannerporlu partiit akornanni taamatut isumaqatingiinnek aallaavigalugu Naalakkersuisut inatsisissamik saqqummiussinikum-mata ukiuni tulliuuttuni malunnaatilimmik innuttaasut sinerissami atorluangasaat.

Naggasiutigalugu attartortumiit pinginnittuunermt ikaarsaarnermi aningaasartuutit 50.000,-Kr.-nut tagginneqartut inatsisissami takusinnaavarput

# INUIT ATAQATIGIIT INATSIARTUNI



tamanna eqqortuunersoq aamma paaserusupparput tassami inissiat nammineq pigisat allanngortinnerinut tunineqarnerinullu atasumik ataasiartumik aningaasartuutit qaffasinnginnerunissaannut aqquutissaqartariaqartoq isumaqaratta tamannalu siunissami qaffakkiartunnginnissaa pingaaruteqarpoq ki-siannili inatsisilerituut allallu akingititaat apeqqutaammata taamaammat 50.000,-kr.-nik ikaarsaarnermi ataasiartumik aningaasartuuteqarneq annikin-nerusinnaanera ataatsimiititaliami misissorneqarnissaa Inuit Ataqatigiit kissaatingivarput.

Taamatut oqaaaseqarluta attartortuunermiit pinginnittuuner-mut siunnermuummik Naalakkersuisut pittanngorsaaniarnerat oqaaaseqarfingi-varput Inatsisartut sanaartornermut ataatsimiititaliaanut ingerlateqqillutigut.

Qujanaq.